

**05 APRILIE**  
**RUGĂCIUNEA 4**  
**SF. CUVIOȘI-MUCENICI**  
**VASILE ROSLIAKOV,**  
**TROFIM TATARNIKOV**  
**ȘI TERAPONT PUȘKAREV**  
**DE LA OPTINA**

**Моли́тва**

О, тричїсленнии преподобномученицы Оптинстии Васїлие, Ферапонтe и Трофїме, Христá Воскрéсшаго добропобéднии побóрницы! Вы, я́ко а́гнцы, заклáни бы́сте в день Пáсхи Госпóдней и самїх себé в жéртву живую́ Святéй Трóице принесóсте, в обїтели Оптинстей у гробóв стáрческих упасóстеся и учéнием их, я́ко слáдким бы́лием, вскóрмлени бы́сте. Услы́шите нас ны́не у вáших гробóв предстоя́щих и вáшим пóдвигом озаря́емых. Испросїте у Воскрéсшаго Христá страстéй нáших умерщвлéние и рéвности по Бóзе оживлéние.

Вы за мученический пóдвиг свой нетлéнными венцáми деснїцею Христóвою венчáстеся, я́ко стрáсти Егó сопричáстницы бы́сте, отонúдуже и рáдости Воскресéния Егó óбщницы явїстеся. Мы же в страстéх безчéстия погребéннии и

пу́тами много́разлі́чных грехо́в связу́емии, вне Черто́га Бра́чнаго обрета́емся и ра́дости Ве́чери Пасха́льнаго А́гнца, увы́, лиша́емся. Но с те́плою моли́твою к вам обра́ца́емся я́ко ко ста́ршим бра́тиям и дерзнове́нным предста́телем на́шим. Умо́лите Христа́ Бо́га на́шего притупи́ти сме́рти жа́ло — грехо́вныя стра́сти на́ша и низпосла́ти в се́рдца на́ша, я́ко в Куву́клию, Огнь победоно́сныя ра́дости Воскресе́ния Христа́́ва, да объ́ятии пла́менем сим возмо́жем препобеди́ти грехо́вную тьму настоя́щаго ве́ка и светоно́сно испове́довати Христа́́ Воскресе́шаго, всегда́, ны́не и прі́сно и до сконча́ния ве́ка. **Ами́нь.**